

Nuup Mittarfiata allineqarnissaa pillugu ASN-imut akuersissutip maalaarutigineqarneranut aalajangiineq



Atuakkap imarisaa

1	Aalajangiineq	3
2	Avatangiisit innarlitsaaliorneqarnissaat pillugit Naammagittaalliuuteqartarfimmut maalaaruteqarneq Miljøbeskyttelse	3
3	Suliamut paasissutissat.....	6
3.1	ASN-imut akuersissutip tigunnginnerani pisimasut.....	6
3.2	Pinngortitamut Avatangiisinillu Naalakkersuisoqarfiup maalaaruteqarnermut oqaaseqaatai	7
4	Avatangiisit Innarlitsaaliorneqarnissaat pillugit Naammagittaalliuuteqartarfiup oqaaseqaatai aalajangiineralu	10
4.1	Avatangiisit Innarlitsaaliorneqarnissaat pillugit Naammagittaalliuuteqartarfimmi misilinneqarneq	10
4.2	Avatangiisit Innarlitsaaliorneqarnissaat pillugit Naammagittaalliuuteqartarfiup oqaaseqaatai	10
4.2.1	Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa amerlanerussuteqartut naliliinerat	13
4.2.2	Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut naliliinerat.....	14
4.3	Avatangiisit Innarlitsaaliorneqarnissaat pillugu Naammagittaalliuuteqartarfiup aalajangiinera	15
5	Ilanngussanut allattuiffik	16

1 Aalajangiineq

Avatangiisit Innarlitsaaliorneqarnissaat pillugu Naammagittaalliuuteqartarfik Inatsisartut inatsisaanni nr. 9-mi, 22. november 2011-imeersumi (Avatangiisiit pillugit inatsit) §41, aamma §60, §17 innersuullugu, imm. 2, §15 imm. 2, Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq (Matumani kingorna nalunaarummik taaneqassaaq).

Naalakkersuisut martsip ulluisa sisamaani 2019-imi Nuup mittarfiata allisarnisaa pillugu Avatangiisinut Sunniutissanik Naliliinermi akuersissut aallaavigalugu aalajangiinerat Avatangiisit Innarlitsaaliorneqarnissaat pillugu Naammagittaalliuuteqartarfiup aalajangersarpaa.

Avatangiisit Innarlitsaaliorneqarnissaat pillugu Naammagittaalliuuteqartarfik aalajangiinera inaarutaasumik atuutsinneqarpoq pisortatigullu allaffissornikkut qullersaqarfimmut allamut tunniunneqarsinnaanani, soorlu tamanna avatangiisit innarlitsaaliorneqarnissaat pillugu inatsimmi §60-imi, imm. 4-imi allaqqasoq. Aalajangiinerup eqqartuussinikkut misilinneqassappat suliassanngortillugu taava qaammatit arfinillit qaanngiutsinnagit tamanna tunniutereersimassaaq, avatangiisit innarlitsaaliorneqarnissaat pillugu inatsimmi § 65 naapertorlugu.

2 Avatangiisit innarlitsaaliorneqarnissaat pillugit

Naammagittaalliuuteqartarfimmut maalaaruteqarneq Miljøbeskyttelse

Naalakkersuisut martsip ulluisa sisamaani 2019-mi Avatangiisinut Sunniutissanik Naliliinermi (tamatumani kingorna ASN-imi taaneqassaaq) Nuup mittarfiata allisarnisaa akuerisimavaat, tamannalu aprilip ulluisa 15-ani 2019 Avatangiisit Innarlitsaaliorneqarnissaat pillugu Naammagittaalliuuteqartarfimmut naammagittaalliuutigineqarpoq, tamatumani Avatangiisit innarlitsaaliorneqarnissaat pillugu suleqatigiit arlallit ataatsimoorussamik naammagittaalliormata.

Maalaaruteqartoq arlalinnit immikkoortunik maalaarutiniq oqaatiginnippoq, taakkunanilu pingaartumik imaattoq.

Sanaartornerni suliassanut avatangiisinut iliuuserineqarnissaasut pilersaarutit

ASN-imut akersissummi piumasaqaatinik aalajangiisoqarnikuuvoq Kalaallit Nunaat Airports A/S-i (maannamiit KAIR) sanaartornermi suliassat aallartinnginneranni avatangiisinut iliuuserineqarnissaasut pilersaarummik sanassasoq suliniutip sanaartornerata ingerlaneranut. Immikkoortortanik aalajangersaasoqarnikuuvoq avatangiisinut iliuuserineqarnissaasut pilersaarut minnerpaamik allaaserissaqassanersoq aammalu aalajangerneqarnikoq avatangiisinut iliuuserineqarnissaasut pilersaarut Pinngortitamut Avatangiisinillu Naalakkersuisoqarfimmut

akuerisassanngorlugu nassiunneqarumaartoq. Aammattaaq aalajangerneqarnikuuvoq sanaartormi suliasat aallartinneqassanngitsut Pinngortitamut Avatangiisinillu Naalakkersuisoqarfiup avatangiisinut iliuuserineqarnissaasut pilersaarutaa akuereqqaartinnagu.

Maalaaruteqartup oqaatigivaa naammaginangitsoq aammalu akuerineqarsinnaanngilluinnarluni taakku pissutsit kisimik KAIR-imiit Naalakkersuisoqarfimmiillu aalajangerneqarsinnaasut ammasumik oqallinninnermik periarfissaleeqqaarani.

Nipiliorneq

Maalaaruteqartup oqaatigisimavaa ASN-imut akuersissummi nipiliornermut tunngasut piumasaqaatit naammanngitsut, aammalu akuerineqarsinnaanngitsoq nipiliornermut killigitat qaagerneqarsinnaatitaasut. Maalaaruteqartup ilanngullugu oqaatigisimavaa ASN-imut akuersissummi piumasaqaatit ilanngunneqartariaqartoq taamaallaat pingasunngornikkut akunnerit marluk aammalu sapaammi akunnerit marluk qaartiterisoqarsinnaassasoq.

Sajukulaarnerit

Maalaaruteqartup oqaatigisimavaa ASN-imut akuersissummi KAIR-imut piumasaqarneq sajukulaarnerit malinnaaffiginissaanut pilersaarusiamik sanasoqarnissaa pillugu naammanngitsoq aammalu ajoqusernernerut isumannaajaanani imaluunniit sajukulaarnermiit ajoqusiisinaanermut taartisissuteqarani.

Pujoralak aamma aniasoornerit

Maalaaruteqartup oqaatigivaa pujoralatserinerup pinaveersaartinnissaa pillugu nangaanartortaartoq ASN-imut akuersissummi piumasaqaateqartoqanngimmat ilusilersuisoqassasoq pujoralaat siammarnernanik aammalu anorit sammiverajunnerusunik pujoralaat unerarnernanik. Ilanngullugu maalaaruteqartup oqaatigivaa sisorarfik sisorarnermilu aqquataasartut eqqorneqarumaartut.

Nunap qaavani imeq aamma imeq maangaannartoq

Maalaaruteqartup oqaatigivaa diagramminik amigaateqartoq takutitsisunik qanoq mittarfik kussiorlugu paqqersarfeqassanersoq. Maalaaruteqartup ilanngullugu oqaatigivaa akuersaarneqarsinnaanngitsoq eqqumaffigineqarsimanngimmat orsualikak saattuarag pilersinnaasoq imaluunniit Qinngorpumi imartaniluunniit allani immap naasuisa naajorapiloorneranik kingunerlutsisinnaanera.

Eqqakkat aamma eqqagassanik passussineq

Maalaaruteqartup oqaatigivaa ASN-imut akuersissummi eqqakkanut aamma eqqagassanik passussinermut piumasaqaatinut ilaanngitsoq annertussusaat aammalu eqqagassat suussusaat nalunaarsorneqartarnissaat, kiisalu qanoq qaqagukkullu eqqakkat suliarineqarsimanersut. Maalaaruteqartup oqaatigivaa taakku paasissutissat isumannaartariaqartut aammalu tamanna piumasaqaat saneqqunneqarsinnaasusaaanngikkaluartoq. Taassuma saniatigut maalaaruteqartup

oqaatigivaa mittarfiup allineqarnissaata ilagissappagu saviminilerviup eqqaaviup eqqagassaanik peersisoqassasoq, taava ASN-imut akuersissummi tamanna pillugu piumasaqaatinik amigaateqartoqarpoq.

Nunamik mingutsitsineq

Maalaaruteqartup oqaatigivaa naammattumik nassuiarneqarsimanngitsoq qanoq qaartitserinerup kingunerisaanik mingutsitsineq suliarineqarumaarnersoq. Maalaaruteqartup ilanngullugu oqaatigivaa ANFO-mit qaartitserinernut atuineq naatsorsuutigineqartumiit annerujumaartoq, tamannalu isumaqarluni mingutsitsinerusoqassasoq aammalu Qinngorpumi algit amerlatsikkiartussallutik.

Pinaveersaartitsilluni iliuusissat

Maalaaruteqartup oqaatigivaa ASN-imut akuersissutip piumasaqarnera KAIR-i pinaveersaartitsilluni iliuusissanik sananissaminut pilersaarusiussasanerata imarigaa inuit amerlanerit pinaveersaartitsilluni iliuusissat pillugit attaveqaqatigiinnermi ilanngunneqassanngitsut, tamannalu akuersaarneqarsinnaangitsoq.

Isumannaassuseq

Maalaaruteqartup oqaatigivaa Qinngorpumut aqqut matuneqarsinnaanera akuersaaneqarsinnaanngitsoq, pissutigalugu aqqutaa piffissani assigiinngitsuni matoqqasartussammat.

Takussaasuni pissutsit

Maalaaruteqartup oqaatigivaa takussaasuni pissutsit pillugit Sermitsiaq.AG-imi ilanngutassiami isornartorsiuisoqarnera Naalakkersuisut iliuuseqarfigisimasussaagaluaraat.

Kulturikkut oqaluttuarisaanermi soqutigisat

Maalaaruteqartup oqaatigivaa ASN-imut akuersissummi Qimatuliviit suut peqqutigalugit eriaginantutut isigineqarsimannginneranut takussutissaqannginnera kukkunerusimasoq. Maalaaruteqartup innersuutigaa Nuummi Kommuni ilassutitut pilersaarutaa 3E4-1. Maalaartueqartup aammattaaq oqaatigivaa Qimatuliviit qanganisaasoq eriagisassaq ataqqineqartussarlu.

Peqqissinartumik pissutsit/avatangiisinut sunniutissanik naliliineq

Maalaaruteqartup oqaatigivaa mittarfiup najugaqarfimmut taama qanitsigaluni inissisimanera Nuup alliarthoneranut ilungersunartumik akornutaasinnaasoq, aammalu illoqarfimmi akulikinnerusumik sanaartortoqalissasoq. Maalaarteqartup ilanngullugu oqaatigivaa Nuup mittarfiata allineqarnerata illutigut ineriartortitsisinnaanissaraluanut tigusiaaarnera, aammalu piffiit annertuut atorneqanngitsut mittarfimmut ilanngunneqartariaqarlutik. Maalaaruteqartup oqaatigivaa mittarfik allamut inissinneqaralaruni inissianut nunarujussuit aammalu nunap

ammasortaanik ammaatitsisinnaagaluartoq. Maalaaruteqartoq isumaqarpoq ASN-imut akuersissut tassunga tunngatillugu isummiussinngitsoq aammalu tamanna akuersaaruminaatsillugu.

3 Suliamut paasissutissat

3.1 ASN-imut akuersissutip tigunnginnerani pisimasut

ASN-imut akuersissut pillugu Naalakkersuisut aalajangiinerat 4. marts 2019-imeersoq sioqqullugu sanatitsisumiit KAIR-imiit Nuup Mittarfiata allineqarnissaanut ASN-imut nassuiaammik sanasoqarpoq.

Nuup Mittarfiata allineqarnissaanut ASN-imut nassuiaat tamanut ammasumik tusarniaanermi piffissami 24. november 2017-imiit 19. januar 2018-imut (sapaatit akunneri arfineq pingasut) saqqummiunneqarnikuuvoq (taanna tusarniaanermut piffissaq unitsikkallarneqarpoq ASN-imut nassuiaat 4. december 2017-imi utertinneqarmat), 6. februar 2018-imiit 3. april 2018-imut (sapaatit akunneri arfineq pingasut) aammalu 16. november 2018-imiit 14. december 2018-imut (sapaatit akunneri sisamat).

Tusarniaanermut piffissami 6. februar 2018-imiit 3. april 2018-imut tusarniaanermut akissutit marluk takkupput aammalu ataasiaq innuttaasunik ataatsimiisitsisoqarluni.

Tusarniaanermut piffissami 6. februar 2018-imiit 3. april 2018-imut ASN-imut nassuiaat iluarsanneqarpoq, tamannalu annertuunik allannguuteqartitsilluni. Taamaattumik aalajangiunneqarpoq taanna ASN-imut nassuiaat iluarsanneqarnikoq nutaamik tamanut ammasumik nassiunneqassasoq sapaatip-akunnerini sisamani sivilisussuseqartumi, tak. ataani allassimasut.

Tassani nutarterneqartumi tusarniaanermut piffissami 16. november 2018-imiit 14. december 2018-imut tusarniaanermut akissutit sisamat takkupput aamma innuttaasunik ataatsimiisitsisoqarpoq.

Naalakkersuisut 4. marts 2019-imi Nuup Mittarfiata allineqarnissaanut ASN-imut akuersissut nalunaarutigivaat saqqummiullugulu.

ASN-imut akuersissut 15. april 2019-imi Avatangiisit Innarlitsaaliorneqarnissaat pillugit Naammagittaalliuuteqartarfimmut arlalinnit naammagittaalliortuniit maalaarutigineqarpoq.

Avatangiisit Innarlitsaaliorneqarnissaat pillugit Naammagittaalliuuteqartarfiup suliamut allagaatit Pinngortitamut Avatangiisinillu Naalakkersuisoqarfimmiit tigunikuuaat. Pinngortitamut Avatangiisinillu Naalakkersuisoqarfiup maalaaruteqarnermut oqaaseqaatini 20. maj 2019-imi nassiuinnikuuai.

Pinngortitamut Avatangiisinillu Naalakkersuisoqarfiup maalaarteqarnermut oqaaseqaatai pingaarutillit ataani oqaluttuarineqarput.

3.2 Pinngortitamut Avatangiisinillu Naalakkersuisoqarfiup maalaaruteqarnermut oqaaseqaatai

Pinngortitamut Avatangiisinillu Naalakkersuisoqarfiup maalaaruteqarnermut tunngatillugu oqarpoq Naalakkersuisoqarfiup maalaaruteqarneq itigartittariaqaraa maalaaruteqartut inuit ataasiakkaat imaluunniit annertuumik soqutigisaqarnermik uppersaasimanngimmata. Taamaakkaluartoq maalaaruteqarneq suliarinnarneqassappat Naalakkersuisoqarfiup piumasarivaa maalaaruteqarneq atorineqassanngitsaq.

Maalaaruteqarnerup itigartinneqarnissaanut piumasaqaammi Naalakkersuisoqarfiup maluginiarsimavaa maalaaruteqartut inuttut ataasiakkaatut imaluunniit annertuumik soqutigisalittut suliap inerneranut nassuiarneqarsimannginnerat imaluunniit maalaaruteqarnermi eqqaaneqarsimannginnerat aammalu maalaaruteqartut taamaattumik naammagittaalliuteqarsinnaanngitsut. Tamanna toqqammavigalugu Naalakkersuisoqarfiup piumasarivaa maalaaruteqarneq itigartinneqassasoq.

Naalakkersuisoqarfiup taassuma saniatigut taakkununga ataasiakkaanut maalaaruteqarnermi maalaarutit immikkoortuinut oqaaseqaatiliorsimavoq.

Sanaartornerni sulissanut avatangiisinut iliuuserineqarnissaasut pilersaarutit

Naalakkersuisoqarfiup maalaaruteqarneq aallaavigalugu ilaatigut kallerriutigivaat nalunaarutip siunertaa, tak. § 1, tassaasoq isumannaarniarlugu Naalakkersuisut paasissutissat pisariaqartut suliniutip avatangiisinut sunniutigisinnaasai pissarsiarissagaat taamaasilluni Naalakkersuisut tamakkiisumik paasissutissaqartumik tunngaveqarlutik aalajangiinnaaniassammata suliniut allineqarnissaanut akuerineqassanersoq. Nalunaarutip siunertaani, tak. § 1-imi, aammattaaq takuneqarsinnaavoq isumannaarneqassasoq Naalakkersuisut paasissutissat pisariaqartut pissarsiarissagaat piumasaqaatinik akuersisummi aalajangiinissamut, taakkualu suliniutip avatangiisinut pitsaanngitsumik sunniutai millisissinnaallugit. Taassuma saniatigut nalunaarutip siunertarivaa isumannaassallugu ingerlatseriaatsinik aalajangiisoqassasoq, taakkualu isumannaassallugu aalajangiiniarnermi innuttaasunik ilanngutsitsinissaq. Naalakkersuisoqarfiup maluginiarpaa nalunaarutip siunertarinngikkaa Naalakkersuisuniit akuersisinnaanermut piginnaaneq peerneqassasoq, aammalu nalunaarummi § 19-imi aalajangerneqarnikuusoq Naalakkersuisut suliniutip allineqarnissaanut akuersisutit pillugit aalajangiisassasut. Taassuma saniatigut Naalakkersuisoqarfiup maluginiarpaa ASN-imut akuersisummi piumasaqaatit aalajangiunneqarnikut ilaasa aalajangermassuk KAIR-i pilersaarutit sanasassasoq, taakkualu Naalakkersuisoqarfimmiit akuerineqaqqaartassasut suliniutip aallartinnginnerani. Naalakkersuisoqarfiup maluginiarpaa taakkua pilersaarutit uppersaataanngimmata

nalignnaasumik tamanut isumaqatigiinniarneqartussat aammalu taanna suleriuseq danskit pisortaasa suliani assigusuni atorsimasaannut assigusoq.

Nipiliorneq

Naalakkersuisoqarfiup maalaaruteqarneq pissutigalugu ilaatigut kalerriutigisimavaa kalaallinut avatangiisit pillugit inatsimmi piumasaqaateqanngitsoq nipiliornermut akornutit peerneqassasut imaluunniit sapinngisamik nipikillisinninniarneqassasut, kisiannili isummerfigineqassasooq suut aaqqiinerit aalajangiunneqarsinnaanersut suliniutip avatangiisinut pitsaanngitsumik sunniutai ilanngarniarlugit. Naalakkersuisoqarfiup oqaatigisimavaa taamaattunik nipikillisaanissamik aaqqiisoqarsimasooq ASN-imut akuersissummi arlalinni piumasaqaatini. Naalakkersuisoqarfiup aammattaaq oqaatigivaa suliniummi sulisut nipiliornermik sunnerneqarnerat nakkutigineqarumaartoq, taakku piumasarineqartut ASN-imut nassuiaammi eqqartorneqartut sinnernerneqaratik malinnissaat isumannaarniarlugu. Naalakkersuisoqarfiup kalerriutigivaa piumasaqaatit sinnerneqassagualarpata, taamaasilluni Naalakkersuisoqarfik periarfissaqartoq aammalu sulit piumasaqaasioqqikkumaarluni.

Sajukulaarnerit

Naalakkersuisoqarfiup maalaaruteqarneq pissutigalugu ilaatigut kalerriutigisimavaa sajukulaarnerit nakkutiginissaanut pilersaarut, piffissami Naalakkersuisoqarfiup maalaarummut oqaaseqaatinik nassiussinerani sulit suliarineqarsimanngimmat. Naalakkersuisoqarfiup taamaattumik inaarummik sulit taaserusunngilaq qanoq sajukulaarnerit nakkutiginissaat pillugu aalajangiisoqarumaarnersooq.

Pujoralak aamma aniasoornerit

Naalakkersuisoqarfiup maalaaruteqarneq pissutigalugu ilaatigut kalerriutigisimavaa ASN-imut akuersissut piumasaqaammik imaqartoq pujoralaat annikillisinnissaanut aaqqiinerit pilersaarusiortoqassasooq. Naalakkersuisoqarfiup pilersaarusiassap malinneqarnissaa qularnaarumaarpaa aammalu pisariaqassappat sakkortunerusumik piumasaqaasiussalluni pujoralaat akornutigineqartut annikillisinnissaanut.

Nunap qaavani imeq aamma imeq maangaannartoq

Naalakkersuisoqarfiup maalaaruteqarneq pissutigalugu ilaatigut kalerriutigisimavaa ASN-imut akuersissut arlalinnit piumasaqaatinik imaqartoq nunap qaavani imiup suliarineqarnissaanut, tak. ASN-imut akuersissummi qup. 30-31 piumasarineqartut nr. 58-65. Naalakkersuisoqarfiup allakkut isumaqatiginngilaa mittarfiup kussiornissaa aammalu immamut kuutsillugit piiaanissartai ASN-imut akuersissummi malittarisassaliuunneqarsimannginnera, tak. ASN-imut akuersissummi piumasaq pkt. 6.5, 60 aamma 61 qupperneq 23 aamma 31.

Eqqakkat aamma eqqagassanik passussineq

Naalakkersuisoqarfiup maalaaruteqarneq pissutigalugu ilaatigut kalerriutigisimavaa

pingaassusaanut isumaqataallutik nakkutilliinermi oqartussaasut, taama pisoqarnerani kommunip, isumannaassagaa eqqagassat ulorianarsinnaasut saviminernut eqqaavimmiit passunneqarnerat isumannaatsumik pissasoq. Naalakkersuisoqarfiup ilanngullugu kalleriutigivaat eqqagassanik passussineq peerneqassasoq qaqugukkulluunniit kommunimiit eqqagassat pillugit malittarisassat atuuttut malillugit.

Nunamik mingutsitsineq

Naalakkersuisoqarfiup maalaaruteqarneq pissutigalugu ilaatigut kalleriutigisimavaa ASN-imut akuersissut qaartiteraluni atorneqartartumik ANFO-p atorneqarnissaanik piumasaqaatinik imaqanngitsoq . Naalakkersuisoqarfiup kalleriutigivaa ANFO assersuutitut ASN-imut nassuiaammi toqqarneqarsimasoq, pissutigalugu qaartiterutaammat avatangiisinut tunngatillugu annerpaamik sunniuteqartuusartoq. Naalakkersuisoqarfiup kalleriutigivaa ASN-imut nassuiaat taamaasilluni aallaaveqartoq pisinnaasumi ajornerpaami aammalu ANFO-p atorneqarnerata annertusinissaa pisinnaanngitsoq Naalakkersuisoqarfimmiit akuersissuteqaqqaarani.

Pinaveersaartitsilluni iliuusissat

Naalakkersuisoqarfiup maalaaruteqarneq pissutigalugu ilaatigut kalleriutigisimavaa immikkoortup "Sanaartornerni suliassanut avatangiisinut iliuuserineqarnissaasut pilersaarutit" ataani oqaatigineqartunut innersuussillutik.

Isumannaassuseq

Naalakkersuisoqarfiup maalaaruteqarneq pissutigalugu ilaatigut kalleriutigisimavaa Kalaallit Nunaanni Politiit Kommunilu peqatigalugit isumaqatigiissusiortoqartariaqartoq qanoq annertutigisumik aalajangersimasuni aqqutini mattussisoqarsinnaassanersoq.

Takussaasuni pissutsit

Naalakkersuisoqarfiup maalaaruteqarneq pissutigalugu ilaatigut kalleriutigisimavaa VVM-ip ingerlariaasaata inassutigigaa Naalakkersuisut tusarniaanermi takkuttunut oqaaseqaatinut kalerrinneqassasut, taassumalu ataani innuttaasunik ataatsimiisitsinerniit, aammalu tusagassiutini eqqartuinernut iliuuseqassanngitsut.

Kulturikkut oqaluttuarisaanermi soqutigisat

Naalakkersuisoqarfiup maalaaruteqarneq pissutigalugu ilaatigut kalleriutigisimavaa Nuummut Kommunip ilassutitut pilersaarutaa 3E4-1 maalaaruteqartup innersuussiffigisaa Kommunip ilassutitut pilersaarutaanut 3E5-1-imut allanngortinneqarnikuusoq.

Peqqissinartumik pissutsit/avatangiisinut sunniutissanik naliliineq

Naalakkersuisoqarfiup maalaaruteqarneq pissutigalugu ilaatigut kalleriutigisimavaa nunarujussuit allat atornissaat pillugu isumaliutiginninnerit Naalakkersuisut isummerfigisinnaasaata ASN-imut akuersissummi iluaniinngimmata.

4 Avatangiisit Innarlitsaaliorneqarnissaat pillugit Naammagittaalliuuteqartarfiup oqaaseqaatai aalajangiineralu

4.1 Avatangiisit Innarlitsaaliorneqarnissaat pillugit Naammagittaalliuuteqartarfimmi misilinneqarneq

Avatangiisit Innarlitsaaliorneqarnissaat pillugit Naammagittaalliuuteqartarfik avatangiisinik innarlitsaaliuinissamut inatsit aammalu nalunaarut malillugu tamakkiisumik aalajangiinernut misileeqqissinnaavoq, pissutigalugu inatsimmi killiliinernik aalajangiisoqarnikuunngimmat.

Pinngortitamut Avatangiisinillu Naalakkersuisoqarfiup maalaarummut oqaaseqaatai toqqammavigalugit Avatangiisit Innarlitsaaliorneqarnissaat pillugit Naammagittaalliuuteqartarfiup maannakkut isumarivaa Naalakkersuisoqarfiup tikissimagaa naammagittaalliuuteqartarfiup taamaallaat aalajangiussap aalajangerneqarsimanera naapertuuttuuneranut misilinneqarnissaanut tunngasinnaasoq. Taamaattoqassappat tamanna inatsimmi taamaattuk killiliinermik peqassappat ersarissumik takuneqarsinnaassaaq. Taamaattoqanngimmat naammagittaalliuuteqartarfiup aalajangiusimavaa aalajangiineq atatillugu tamakkiisumik misileeqqissinnaassalluni avatangiisinik innarlitsaaliuinissamut inatsit aammalu nalunaarut malillugit.

Suliassami ataatsimoorussamik maalaaruteqarpoq arlalinniit naammagittaalliuuteqartuniit, taakkunanilu maalaaruteqartoq minnerpaamik ataaseq naammagittaalliuuteqarsinnaalluni. Avatangiisit Innarlitsaaliorneqarnissaat pillugit Naammagittaalliuuteqartarfik taamaattumik isummernikuunngilaq taakku allat naammagittaalliuuteqartut tassunga nalunaarutigineqartumut aalajangiussamut naammagittaalliorsinnaatitaanersut.

4.2 Avatangiisit Innarlitsaaliorneqarnissaat pillugit Naammagittaalliuuteqartarfiup oqaaseqaatai

Maalaaruteqartoq arlalinnit immikkoortunik maalaarutiniq oqaatiginnippoq. Maalaarutit immikkoortut tassaapput Sanaartornerni suliassanut avatangiisinut iliuuserineqarnissaasut pilersaarutit, Nipiliorneq, Sajukulaarnerit, Pujoralak aamma aniasoornerit, Nunap qaavani imeq aamma imeq maangaannartoq, Eqqakkat aamma eqqagassanik passussineq, Nunamik mingutsitsineq, Pinaveersaartitsilluni iliuusissat, Isumannaassuseq, Takussaasuni pissutsit, Kulturikkut oqaluttuarisaanermi soqutigisat kiisalu Peqqissinartumik pissutsit/avatangiisinut sunniutissanik naliliineq (tak. Aalajangiinermi immikkortoq 2).

Avatangiisit Innarlitsaaliorneqarnissaat pillugu Naammagittaalliuuteqartarfiup Inatsisartut Avatangiisinut innarlitsaaliorneqarnissaanik Inatsisaanni imaluunniit inatsit malillugu malittarisassiani, tak. § 60, imm. 1 aalajangiinernut tunngatillugu naammagittaaliutinik suliaqartarpoq.

ASN pillugu nassuiaat aamma tusarniaanermi akissutit tiguneqartut tunuliaqutaralugit nassuiaammi allaaserineqartutut atortup allilernerqarnissaanut akuersisoqassanersoq Naalakkersuisut aalajangiissapput, nassuiaat allallu paasisutissiinerit pillugit tamanut ammasumik tusarniaanermi saqqummiunneqarsimappata, tak. nalunaarummi § 19, imm. 1, tak. § 15.

Oqaaseqaatinik tamat saqqummiussinissaannut tusarniaanermi piffissaliussaq tassaavoq tamanut saqqummiussinermiit sapaatit akunneri arfineq pingasut, tak. nalunaarummi § 15, imm. 2.

§ 15 naapertorlugu tusarniaareernerup kingorna ASN pillugu nassuiaammik sanaartortitsisoq iluarsaassissaaq, tamanna Avatangiisinut Naalakkersuisumit pisariaqartutut nalilernerqarpat, tak. nalunaarummi § 17, imm. 1. ASN pillugu nassuiaammik iluarsaassineq annertuppat Avatangiisinut Naalakkersuisoq kingumut tusarniaanermik ingerlatitseqqissaaq, tak. nalunaarummi § 17, imm. 2.

Tusarniaaneq pillugu malittarisassat siunertarivaat tamanut periarfissiinissaq ASN pillugu nassuiaammut akerliliinissamik oqaaseqaatinillu saqqummiussinissamik.

Nuup Mittarfiata allineqarnissaanut ASN-imut nassuiaat tamanut ammasumik tusarniaanermi saqqummiunneqarnikuuvoq piffissami 6. februar 2018-imiit 3. april 2018-imut (sapaatit akunneri arfineq pingasut) aammalu kingumut tusarniaanermik ingerlatitseqqittoqarnikuulluni piffissami 16. november 2018-imiit 14. december 2018-imut (sapaatit akunneri sisamat).

Tusarniaanermut piffissami 6. februar 2018-imiit 3. april 2018-imut tusarniaanermut akissutit marluk takkupput aammalu ataasiaq innuttaasunik ataatsimiisitsisoqarluni.

Tusarniaanermut piffissami nutarterneqartumi 16. november 2018-imiit 14. december 2018-imut tusarniaanermut akissutit sisamat takkupput aamma innuttaasunik ataatsimiisitsisoqarpoq.

Nalunaarummi § 15, imm. 2-imi Takuneqarsinnaavoq oqaaseqaatinik tamat saqqummiussinissaannut tusarniaanermi piffissaliussaq tassaavoq tamanut saqqummiussinermiit sapaatit akunneri arfineq pingasut. Avatangiisit Innarlitsaaliorneqarnissaat pillugit Naammagittaalliuuteqartarfiup tikippaa taanna tusarniaanermut piffissaliussaq sapaatit akunneri arfineq pingasut aammattaaq atuutsinneqassasoq kingumut tusarniaanermik ingerlatitsisoqaqqinnerani, tak. nalunaarummi § 17, imm. 2, tak. § 15, imm. 2. Avatangiisit Innarlitsaaliorneqarnissaat pillugit Naammagittaalliuuteqartarfiup taassuma nalilernerani annertuumik pingaartissimavai taakku marluk pissutsit malittarisassaani oqaasertai.

Nalunaarummi § 17, imm. 2, ima oqaasertaqarpoq:

"Imm. 2. ASN pillugu nassuiaammik iluarsaassineq annertuppat Avatangiisinut Naalakkersuisoq kingumut tusarniaanermik ingerlatitseqqissaaq."

Siullertut nalunaarummi § 17, imm. 2-imi takuneqarsinnaavoq kingumut tusarniaanermik ingerlatsitsisoqaqqissasoq iluarsaassineq ”annertuppat”. Naalakkersuisoqarfimmiit nutaamik tusarniaassutigineqarnissaa tusarniaaneq pillugu allakkiami¹ takuneqarsinnaavoq (nammineq erseqqissakkat):

”Nuup Mittarfiata allineqarnissaanut ASN-imut nassuiaat nutaamik tamanut ammasumik tusarniaassutigineqartussanngorpoq. ASN-imut nassuiaat siornatigut 6. februar 2018-imiit 3. april 2018-imut tamanut ammasumik tusarniaassutigineqarpoq. Tusarniaanerp kingorna Kalaallit Airports A/S (sanatitsisoq) ASN-imut nassuiaammi annertuumik allannguivoq, ilaatigut nipip sunniutissaanut, isumalluutinik atuinnermut, nunamik mingutsitsinnermut, nunap qaani innermut, innermut errortuivikumut aammalu pinaveersaartitsilluni iliuutsinut tunngasunik. Taamaattumik ASN-imut nassuiaat nutaamik tusarniaassutigineqassaaq.”

Qulaani immikkoortumi tusarniaaneq pillugu allakkiami Avatangiisit Innarlitsaaliorneqarnissaat pillugit Naammagittaalliuuteqartarfiup oqaatigivaa Naalakkersuisoqarfik isumaqartoq tusarniaanerp siulliup kingorna annertuumik allannguisoqarsimasoq, aammalu taakku allannguutit annertuut peqqutaallutit Naalakkersuisoqarfiup toqqaannartumik pissutigigaat nutaamik tusarniaanermut atortussanik nassiusseqqissallutik.

Aappaattut nalunaarummi § 17, imm. 2-imi takuneqarsinnaavoq kingumut tusarniaanermik ingerlatitseqqinnermik eqqartuisoqartoq. Avatangiisit Innarlitsaaliorneqarnissaat pillugit Naammagittaalliuuteqartarfik isumaqarpoq oqaasertanik nassuiaanerup kiisalu siunertaanik aammalu ataqatigiinnerisa nassuiaaneri isumaqartut kingumut tusarniaanermik ingerlatitseqqinneq paasineqassasoq tusarniaanertut assigiimmik piumasaqaateqarluni tusarniaaneq siulleq assigalugu. Tassa imaappoq tusarniaaneq sapaatit akunneri arfineq pingasunik sivilissusilik. Avatangiisinik Innarlitsaaliorneqarnissaat pillugu Naammagittaalliuuteqartarfik isumaqarpoq killormut inerniliisoqassappat taava avatangiisinut oqartussat killilersinnaagaat tamat paasisimasanut isernissaat ilimagineqartoq aammalu tusarniaanermi allannguutit *annertuut* pillugit akerriliisinnaanerat.

Qulaani pineqartut tamakkiisumik nalilernerat aallaavigalugu Avatangiisit Innarlitsaaliorneqarnissaat pillugit Naammagittaalliuuteqartarfik isumaqarpoq,

- Naalakkersuisoqarfiup namminneq oqaaseqaataat malillugu allannguutit annertuut eqqartorneqartut,
- taakku allannguutit Naalakkersuisoqarfiup nutaamik tusarniaasoqartariaqarneranik naliliinerannut ataqatigiittut,

¹ Naalakkersuisut pisortatigut tusarniaanermut isertarfia: https://naalakkersuisut.gl/kl-GL/Tusarniaanarit/Tusarniaanarit-pereersut/2018/Fornyet-hoering-af-VVM_redegoerelsen-for-udvidelsen-af-Nuuk-Lufthavn

kiisalu

- taamaattooq tusarniaaneq nutaaq taakku piumasaqaatit assigi naammassissagaat tusarniaaneq siullertuut kingumut tusarniaanermik ingerlatitseqqittuussaguni nalunaarut naapertorlugu.

Nutaamik tamanut ammasumik tusarniaassut 16. november 2018-imiit 14. december 2018-imut sapaatit akunneri sisamanik sivilissuseqarpoq. Tusarniaanermut piffissaliussaq nutaamik tamanut ammasumik tusarniaanermi taamaasilluni taamaallaat sapaatit akunneri sisamanik sivilissuseqarpoq, tassa imaappoq sapaatit akunneri arfineq pingasuunngillat nalunaarummi § 15, imm. 2-imi allaqqanera malillugu, taamaattumillu nalunaarummi § 15, imm. 2-mut akerliuvoq.

Avatangiisit Innarlitsaaliorneqarnissaat pillugit Naammagittaalliuuteqartarfik isumaqarpoq tusarniaanermut piffissaliussamik tassa sapaatit akunneri arfineq pingasunik eqqortitsinnginneq, tak. nalunaarummi § 15, imm. 2 piumasarineqartumut amigaataasoq.

Avatangiisit Innarlitsaaliorneqarnissaat pillugit Naammagittaalliuuteqartarfiup taamaasilluni nalilersorsimavaa tusarniaanermut piffissaliussamik sapaatit akunneri arfineq pingasuusunik eqqortitsinnginneq pingaaruteqartuunersoq.

4.2.1 Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa amerlanerussuteqartut naliliinerat

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa amerlanerussuteqartut naliliinerminni tusarniaatitsinissamik killiliussaq sapaatit akunnerinik arfineq-pingasunik sivilissuseqartoq amigaataasimanersoq, pingaartissimavaat, tamanna naammagittaalliortumit namminermit tikkuartorneqarsimanngimmat, taamaalilluni akuersisutut isigineqartariaqartoq, tassalu naammagittaalliortoq taamaasilluni tusarniaanerup sivilissusissaa sapaatit akunnerinik sisamaasoq akuersaarsimagaat.

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa amerlanerussuteqartut taamaalillutik isumaqarput, nalunaarummi §15, imm. 2, aalajangiinerup inernera eqqarsaatigissagaanni tigussaasumik pisortatigoortumillu amigaatitut isigissallugu pingaarnerunngitsutut isigisariaqartoq.

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa amerlanerussuteqartut pissusissamisoortinngilaat naammagittaalliummi immikkoortortat ataasiakkaat aalajangersaavigissallugit.

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa amerlanerussuteqartut nalilersuinerminni ataatsimut isigalugu isumaqarput, tamatumani aamma Pinngortitamut Avatangiisinullu Naalakkersuisoqarfiup naammagittaalliuutigineqartunut oqaaseqaatai, taamaalilluni Naalakkersuisut martsip ulluisa sisamaani 2019-mi ASN-imut

tunngatillugu aalajangigaat tassaasoq Nuup mittarfiata allisarnisaa akuerineqarnera naqissuserneqarpoq.

4.2.2 Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut naliliinerat

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut naliliiniarnerminni tusarniaatitsinissamik killiliussaq sapaatit akunnerinik arfineq-pingasunik sivilissuseqartoq amigaataasimanersoq pingaartissimavaat, tusarniaaneq tassaasoq qulakkeerinninnissamik najoqqutassaasoq tamannalu qaangiinertut isigalugu aalajangiinerup atorunnaarsitaanissaannut tunngaviliisoq. Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut ilanngullugu pingaartissimavaat, Naalakkersuisoqarfiup nammeneq oqaaserisai naapertorlugit ASN-imik nalunaarsuusiami tusarniaatitsinerup siulliup ingerlanneqareernerata kingorna pingaarutilimmik allannguisoqarsimasoq, tamakkualu allannguutit pingaarutilit patsisigerpiarlugit tusarniaatitsinissamik nutaamik tunngavissaqalersimasoq. Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut ilanngullugu aamma pingaartissimavaat, tusarniaatitsinermi maleruaqqusanik allassimasutut killiliussaq sapaatit akunnerinik arfineq-pingasunik sivilissuseqartoq ilanngunneqarsimasoq qulakkeerniarlugu, tamanut ammasumik ASN-imik nalunaarummut akerliliineq oqaasertaliinerlu periarfissiisoqaqqullugu. Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut aamma ilanngullugu pingaartissimavaat, tusarniaatitsinermi maleruaqqusanik allassimasutut killiliussaq sapaatit akunnerinik arfineq-pingasunik sivilissuseqartoq amigaatigineqarneratigut soqutigisaqaqatigiit assigiinngitsut periarfissaarussimammata paasissutissanik saqqummiissallutik, tamannalu pissutigalugu ullumikkut aalajangiinermit allaanerusumik inernejarsimasinnaammat.

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut tamanna pissutigalugu isumaqarput, nalunaarummi §15 imm. 2 qaangiinertut isigalugu, isumaqarput pisortatigoortumik pingaarutilimmik amigaataasoq. Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut isumaqarput, Pinngortitamut Avatangiisimullu Naalakkersuisoqarfiup piffissami ungasippallaanngitsumi nutaamik tusarniaatitsisariaqartoq.

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut tamanna tunngavigalugu isumaqarput, ASN-imik nalunaarusiap Nuup Mittarfiata allilerneqarnissaata akuerineqarnera allamik ullulerlugu atorunnaarsitaassasoq suliaasarlu aallaqqaammut suliarineqaqqittariaqartoq.

Avatangiisit Innarlitsaaliorneqarnissaat pillugu Naammagittaalliuuteqartarfiup ilaasortaasa ikinnerussuteqartut naammagittaalliuutigineqartumi immikkoortut ataasiakkaat

isummerfigisimanngilaat. Pissutsit tamatumani pineqartut ASN-imik nalunaarusiap nutaamik tusarniaatitsinermik pilersitsisoqarneratigut Pinngortitamut Avatangiisinullu Naalakkersuisoqarfimmit ilanngunneqarumaartut.

4.3 Avatangiisit Innarlitsaaliorneqarnissaat pillugu Naammagittaalliuuteqartarfiup aalajangiinera

Naalakkersuisut martsip ulluisa sisamaani 2019-imi Nuup mittarfiata allisarnisaa pillugu Avatangiisinut Sunniutissanik Naliliinermi akuersissut aallaavigalugu aalajangiinerat Avatangiisit Innarlitsaaliorneqarnissaat pillugu Naammagittaalliuuteqartarfiup naqissuserneqarpoq.

5 Ilanngussanut allattuiffik

1. Nuup Mittarfiata allineqarnissaanut ASN-imut akuersissutip maalaarutigineqarnera 15. april 2019-imeersoq
2. Nuup Mittarfiata allineqarnissaanut ASN pillugu nassuiaat 14. november 2018-imeersoq
3. Nuup Mittarfiata allineqarnissaanut ASN-imut akuersissut 4. marts 2019-imeersoq
4. Pinngortitamut Avatangiisinullu Naalakkersuisoqarfimmiit naammagittaalliummut oqaaseqaat, tamatuma ataanittaaq nuummi mittarfiup allinissaanut oqaaseqaat 30. april 2019-imeersoq (ilanngussaq 4.1)